



Sakspapir

Sakshandsamar	Arkiv	ArkivsakID
Gjermund Hagesæter	FE-024, FA-D45	21/62

Saksnr	Utval	Type	Dato
032/21	Formannskapet	PS	13.04.2021
	Kommunestyret	PS	

Fastsetjing av nye satsar for reservasjon og for stell av grav

Vedlegg:
NyeAvgifterKyrkja2021

Saksutgreiing:

Bakgrunn

Fedje Sokneråd / fellesråd gjorde i møte 1/12-20 følgjande tilråding med verknad frå 1/1-21:

- *«Kostnad for stell av grav vert heva frå kr 1700,- til kr 1900,- pr grav pr år. Årleg gravstell inneber kjøp av blomar til 17. mai og til sommaren, lyngplantar til hausten og krans til jul.*

I avtalen ligg også løn/godtgjering til den som utfører gravstellet.

- *Reservasjon av grav vert heva frå kr 2.000,- til 3.000,-. Vidare vert det sett ei tidsavgrensing på 10 år for ein slik reservasjon. Reservasjon av grav utover denne perioden, må fornyast, men då i bolkar på 5 år. Innbetalt avgift vert ikkje refundert om den som har reservert ei grav dør før reservasjonsperioden går ut. Avgiftsendringar må opp i kommunestyret til endeleg vedtak.»*

Både stelleavgift og avgift for reservasjon av grav er inntekter som går rett inn i Fedje sokn sitt eige budsjett / regnskap og vil derfor ikkje ha noko å sei for Fedje kommune sitt budsjett / regnskap.

Det er gravplassloven § 21 som regulerer korleis avgifter knytt til gravplass skal fastsetjast:

«§ 21.Vedtekter og avgifter.

Gravplassmyndigheten fastsetter vedtektene for gravplasser. Vedtektene skal godkjennes av fylkesmannen.

Avgifter for bruk av gravkapell, anonym minnelund, navnet minnelund, urnevegg, kremasjon og feste av grav fastsettes av kommunen etter forslag fra gravplassmyndigheten.»

Vurdering

Sidan dette er inntekter som går rett inn i Fedje sokn sitt eige budsjett / regnskap bør Fedje kommune vere tilbakehalden med å vurdere overprøving av desse satsane. Dei nye satsane synes heller ikkje å vere høge samanlikna med andre andre sokn i andre kommunar.



Fedje kommune

Rådmannen meiner at satsar for stell av grav er noko som Fedje Sokneråd / fellesråd i utgangspunktet kunne avgjort sjølv utan godkjenning frå Fedje kommune, men ser likevel ikkje noko problem med å leggja også den delen av vedtaket / tilrådinga inn i saka.

Rådmannen rår på bakgrunn av dette til at dei nye satsane vert godkjent av Fedje kommune.

Folkehelse: Ikkje relevant.

Miljø: Ikkje relevant

Økonomi: Vil styrka økonomien til Fedje sokn.

Konklusjon

Rådmannen rår til at dei nye satsane for stell av grav og for reservasjon av grav som Fedje sokneråd/fellesråd har tilrådd i møte 1/12-20 vert godkjent.

Forslag til vedtak:

Fedje kommune godkjenner nye satsar for stelling av grav og for reservasjon av grav som Fedje sokneråd / fellesråd tilrådde i møte 1/12-20. Nye satsar gjeld frå 1/1-21.